



# Niuertarfinnut, niuertarfissuarnut nioqqutissaateqarfinnilu

## Allaqaasiut

Sullivinnik Nakkutilliisoqarfiup misissuutitut una sularaa, annerusumik sullivinnut qulit sinnerlugit sulisulinnut atugassiatut. Taanna sulliviup sullivimmik naliliinermi (APV) sakkussatut atorsinnaavaa.

Sulliviit sulisullit tamarmik APV-liortussaapput. Sulliviit qulit ataallugit sulisullit tamarmik 1. januaari 2009-miit APV-liortalissapput. APV tassaavoq sullivimmi pissutsit qanoq innerannik paasinarsaanissamut, salliutitsinissamut ajornartorsiutinillu qaangiinissamut sulliviup nammineerluni sakkussaa.

Misissuut imaqarpoq apeqqutinik arlaqartunik sulliviup angerlugilluunniit naaggaa-gassai. Apeqqutit sulliviup angigai tassaapput sullivimmi pissutsit ajornartorsiutaasut qanoq iliuuseqarnissamik pilersaarusiarnut sulliviup suliassaanut ilaatinneqartussat.

Kiisalu suliffiup eqqumaffigissavaa tjeklistimi naartusut ilanngunneqanngimmata.

## Ima sulliviup misissuut atorsinnaavaa

- Misissuummi apeqqutit tamaasa akisigit.
- Apeqqutit sulliviup "aappimik" akisai isummerfigisigit, inernerillu qanoq iliuuseqarnissamik pilersaarusiarnut allallugit.
- Eqqarsaatigisiuk sullivimmi pissutsit ajornartorsiutaasut paasineqartut suut peqqutigineraat.
- Sullivimmi pissutsinut ajornartorsiutaasunut aaqqiissutissat allattorsigit.
- Isummerfigisiuk sullivimmi pissutsit ajornartorsiutaasut aaqqiissutissaannut kikut akisussaasuunersut, qaqugulu taakku aaqqinneqarnissaat sulliviup naatsorsuutigineraa.
- Sullivimmi pissutsit ajornartorsiutaasut annertuut misissuummiluunniit ilaatinneqanngikkaluartut allakkatigut isummerfigisigit.

## Annerusumik paasissutissat

Sullivinnik Nakkutilliisoqarfiup qallunaat nunaanni quppersagaa [www.at.dk](http://www.at.dk) aamma sullivimmi pissutsit pillugit aqquissiuussissutaasut 36-niittuni paasissutissat pineqarsinnaapput, taakkunani takuneqarsinnaallutik sulliveqarfinni assigiinngitsuni pissutsit ajornartorsiutit annertuut suunersut Sullivinnik Nakkutilliisoqarfiup isumaqarfigigai. Aqquissiuussissutini sulliveqarfinni assigiinngitsuni pissutsinik ajornartorsiutaasunik aaqqiisinaanermiinnut siunnersuutinik paasissutissanillu pingaarnerusunik sulliviit pissarsisinnaapput.

## OQIMAATSUNIK KIVITSINERIT

1.	Oqimaatsunik timertik atorlugu sulisut kivitsisarpat, Soorlu toqqorsivimmi nioq-qutissanilluunniit ilioraatilluni?	<input type="checkbox"/>	<input type="checkbox"/>
2.	Pisutsillutik sakkut atortulluunniit oqimaatsut sulisut kivissimasarpaat?	<input type="checkbox"/>	<input type="checkbox"/>
3.	Ullup suliffiusup ingerlanerani 3 kg sinnerlugit amerlasooriarlutik sulisut kivit-tarpaat?	<input type="checkbox"/>	<input type="checkbox"/>
4.	Inuit arlaliullutik oqimaatsunik kivitsitillugit aarlerinartunik pisoqartarpa?	<input type="checkbox"/>	<input type="checkbox"/>
5.	Equngasumik timi atorlugu sulinermi sulisut oqimaatsunik kivitsisarpat, soorlu timimit ungasissumi, tuit qaangerlugit imaluunniit seeqqut ataallugit?	<input type="checkbox"/>	<input type="checkbox"/>

## OQIMAATSUNIK AJATSINERIT NOQITSINERILLU

6.	Nukippassuit atorlugit atortorissaarutit, soorlu rullecontainerit, sækkevognit pallenulluunniit kivitsissutit, sulisut noqissavaat ajassavaalluunniit?	<input type="checkbox"/>	<input type="checkbox"/>
7.	Sulisut atortorissaarutinin noqitsiffissaanni ajatsiffissaanniluunniit allequtaq maniippat, uingava, aqippa, quasarpa imaluunniit tummeraqaarpa?	<input type="checkbox"/>	<input type="checkbox"/>
8.	Ajatsinermi noqitsinermiluunniit inissatigut atugassat pitsaanngillat?	<input type="checkbox"/>	<input type="checkbox"/>
9.	Sulisut oqimaatsunik ajatsissatillugit noqitsissatillugilluunniit aallartitsinerit, unitsitsinerit imaluunniit saqitsitsinerit amerlappat?	<input type="checkbox"/>	<input type="checkbox"/>
10.	Ajatatik noqitatilluunniit oqimaatsutut sulisut misigisimavaat?	<input type="checkbox"/>	<input type="checkbox"/>
11.	Atortorissaarut ajoquteqarpa imaluunniit aserfallatsaalineqanngila?	<input type="checkbox"/>	<input type="checkbox"/>
12.	Atortorissaarut ima ilusiligaava timi equngasumik sulisussanngorlugu?	<input type="checkbox"/>	<input type="checkbox"/>

## SULINEQ ASSIGIIGINNARTOQ UTEQATTAARTORLU

13.	Sullivimmi sulineq assigiiginnarpa - tassa imaappoq ullup suliffiusup ilarujusuani aalanerit assigiimmik uteqattaartuullutik?	<input type="checkbox"/>	<input type="checkbox"/>
14.	Sukkasuumik piffissamilu aalajangersimasumi naammassiiniarluni assigiimmik pissusilimmik sulisut sulippat?	<input type="checkbox"/>	<input type="checkbox"/>
15.	Sulisoqarpa piffissami suliffiusussap iluata annersaani skærmi atorlugu suliiinnavissunik, soorlu paasissutissat immiussuullugit?	<input type="checkbox"/>	<input type="checkbox"/>

## SULINERMI TIMIP ATORNERA

Aap Namik

16. Iluaatsumik timi atorlugu sulisoqarpa?

17. Tunu peqillugu saqitilluguluunniit imaluunniit pukusuk peqillugu saqitilluguluunniit sulisoqarpa?

18. Tuit qulaallugit sulisoqarpa?

19. Annertuumik isukkaartarluni sulisoqarpa?

20. Aquilluni, seeqqummerluni seeqqummiarluniluunniit sulisoqarpa?

21. Piffissami sivisuumi assigimmik timi iluseqartillugu sulisoqarpa?

22. Aalasinnaanermut killeqartitsisumik sullivimmi inissakilliornartoqarpa?

23. Paffitik peqillugit saqitillugilluunniit imaluunniit pussuminnik tiguisarlutik sulisoqarpa?

## SULLIVIMMI TARNIKKUT ATUKKAT

### SULIASSINNEQARUJUSSUARNEQ SIVIKIPALLAAMILLU PIFFISSALERNEQARNEQ

24. Sulisoqarpa annertuunik suliassaqartuartunik, imaluunniit piffissamik killilerneqartunik?

25. Akulikitsumik sulisut suliatik naammassinngitsoortarpaat?

26. Akulikitsumik sulisut qaangiuttoortariaqartarpaat?

27. Sulisut sukkaasoorujussuarmik sulinissaat pisariaqartarpa?

28. Sulisut piumasaqaatinik imminut akerleriissunik piumaffigineqarajuppat?

29. Sulinermi siunertat sulisunut erseqqissuunngillat?

### SULINEQ ASSIGIIARTOQ

30. Suliat assigiinngitsunut nikerarnissaannut sulisut amigaateqarpa?

**NAMMINEQ SULINERMI SUNNIUTIKINNEQ****Aap Namik**

31. Sulisut suliaminnut aalajangeeqataannngippallaarpat?

 

32. Suliap qanoq naammassineqarnissaanut sulisut aalajangeeqataannngippallaarpat?

 

33. Qanoq atsigisumik sulinissamut sulisut aalajangeeqataannngippallaarpat?

 

34. Sulisut qaqugukkut unillatsiartarnissaminnik aalajangiinissaminnut periarfissakippallaarpat?

 **AAQQIAGIINNGINNERIT, QINNGASAARINEQ/  
KINGUAASSIUTITIGUT INNARLINEQ**

35. Aaqqiagiinneruppat suliamut tunngasut inuit akornanni aaqqiagiinginninngorsimasut?

 

36. Sullivimmi pimmatiginninneq tiinganiakujuffigineqarnerlu atuuppat?

 **PAASISSUTISSAT TULLUARTUT AMIGAATAANERAT**

37. Suliap naammaginatsumik suliarineqarnissaanut pisariaqartut paasissutissat sulisut amigaatigaat?

 **SULLITANIK ATTAVEQARNEQ (SULEQATINIT AQUTSISUNILLU  
TAPERSERSORNIKINNEQ)**

38. Sulisut sulinermikkut misigissutsikkut artukkiisinnaasunik nalaataqartarpat?

 

39. Sulisut sulinerminni misigissutsitik isertuuttariaqartarpat?

 

40. Suleqatinit ikiorneqarneq tapersersorneqarnerlu sulisut amigaatigaat?

 

41. Aqutsisunit ikiorneqarneq tapersersorneqarnerlu sulisut amigaatigaat?

 **UJAJAANERIT NIUERTARFINNI TILLINNIARNERIT,  
PERSUTTAANEQ PERSUTTAANISSAMULLU QUNUSAARINEQ**

42. Sullitaniit persuttarneqarnissamut, qunusaartinnissamut innarlerneqarnissamulluunniit sulisut ulorianartorsiorpat?

 

43. Ujajaasoqartillugu tillinniartoqartilluguluunniit sulisut qanoq iliornissaminnik ilisimasaqarnissaminnik amigaateqarpat, taamaalillutik ujajaavigineqarnissaq, persuttarneqarnissaq qunusaarneqarnissarlunniit minnerpaaffissaminiilluni?

 

44. Sulisut kisimiillutik sulippat?

**PAARLAATTARLUNI SULINEQ PIFFISSANILU  
NIKERARTUNI SULINEQ**

**Aap Namik**

45. Sulisoqarpa nalinginnaasumik suliffiusartup avataani suliuartunik, soorlu ullaaralaannguakktut unnuakkulluunniit?

46. Sulisoqarpa malitsitsiinnarluni sulisartunik, soorlu unnuarsioriarluni unnukkor-siorluni aamma unnukorsioriarluni ullukorsiorluni?

47. Piffissaq sivikitsoq atorlugu piffissaq suliffiususaaq pilersaarusioneqartarpa?

**SULINERMI NALORNINARTOQANNGINNERA**

48. Suliamik allannguisoqartillugu aaqqissuusseqittoqartillugulu sulisut piffissaa-gallartillugu paasitinneqarnissaminnik amigaaneqarpat?

**INERIARTORNISSAMUT PERIARFISSAT AMIGAATAANERAT**

49. Sulineq aqqutigalugu sulisut nutaanik ilikkagaqassallutik annikippallaamik periarfissaqarpat periarfissaqanngivippalluunniit?

**ILLUP ILUATA KLIMAA**

**NILLISSUSEQ KIASUSERLU**

50. Silap nillissusaa kiassusaaluunniit nalinginnaatillugu sulliviup kiassusaa 25 °C-mit qaffasinnerua imaluunniit 18° C-imit appasinnerua?

51. Suernera pissutaalluni iluaattoqarpa?

52. Nillertumik isaasoqarpa qinngorneqarpaluunniit?

53. Ullup ingerlanerani inimi kiassuseq 4° C-it sinnerlugit qaffattarpa?

54. Natermi niaqqullu nalaani kiassusitsit 4° C-it sinnerlugit nikingassuseqarpat?

**SILAANNARISSUSEQ**

55. Nalimasuni pujoralaqarajuppa?

56. Pequtit toriinnerlu pissutaallutik iluamik eqqiaanissaq ajornakusoorpa?

57. Natersuaqarpa nungullaqqasunik imaluunniit iigaqarpa meqqulualinnik, soorlu annoraamerngit imaluunniit kiffiutissiat?

58. Atortunit, illumit avatangiisinilluunniit tipi ajoqutaasoq aniava?

 

59. Inini silaannarissarfeqanngitsuni printereqarpa/kopimaskiinaqarpa angisuunik arlalinnilluunniit?

 

60. Tipit iluaatsut sivisuumik inimiittarpat?

 

61. Inimi inuit ima amerlatigippat silaannalussisarluni (tipittoq)?

 

### **ISUGUTAK OQUNNERLU**

62. Qaliakkut, iikkakut aamma / imaluunniit natikkut imeq sitseruttarpa?

 

63. Qilaani, iikkani aamma / imaluunniit naterni isugutaap ajoqusersimasaanit qalipaak kusanaallisimava?

 

64. Oqussunnikkajuppa?

 

65. Ersittunik oqoqarpa?

 

### **QAAMANEQ**

66. Pc-skærmini inngianartoqarpa tarraqarpaluunniit?

 

67. Pc-skærminik igalaat eqqaaniittoqarpa?

 

68. Suliffiit qaamanikippallaarpat?

 

69. Qullernit igalaanilluunniit inngianartoqarpa?

 

70. Igalaat annertussusaat naqqup annertussusaannit 10 pct. missaannik minnerua?

 

71. Silami avatangiisinut inimit sulliviusumit isikkiveqanngila?

## AJOQUSERNERIT PILLUGIT

72. Sulisoqarnerluni inuup illersuutissaanik piumasarisaasunik atuinngitsunik, soorlu aaqqatit?

73. Ajoqusernerit pisimanerpat taamatut pisoqaqqinnginnissaanik pinngitsoortitsiniartoqarsimanani?

74. Sulisoqarnerpa suliassaminnik ilitsersorneqaratillu ilinniartinneqarsimanngitsunik?

75. Illersornissamut atortut ajoquteqarnerannik misissorneqallattarsimanngitsut pigineqarnerlutik?

76. Sulisoqarnerpa suliassaminnik isumannaatsumik illersorneqarsinnaasumillu suliarinissaannut piffissaqanngitsunik?

## MASKIINAT

77. Sulisut taamatut piniarnatik maskiinanik aallartitsisoorsinnaappat?

78. Maskiinat qanoq atorineqarnissaannik aserfallatsaaliineqarnissaannillu innersuussisunik kalaallisut qallunaatullu allaqqasunik amigaateqartoqarnerpa, pisiniarfiup ilitsersuina malillugu?

79. Maskiinaqarnerpa aserfallatsaaliineqanngitsunik, pisiniarfiup ilitsersuina malillugu?

80. Maqitsissutinut assigisaannullu nakkutilliinermik inatsisitigut inassutigineqartumik amigaateqartoqarpa?

## SAKKUT ALLALLU TEKNIKKIKKUT ILUAQUTIT

81. Sulisut illersorneqarsinnaanngitsumik sulippat soorlu ipitsunik imaluunniit sakkunik igalaaminernik, pladinik, savinnik qussaatanillu?

82. Iluaqutit eqqortumik atorineqarnissaannik aserfallatsaaliineqarnissaannillu innersuussisunik kalaallisut qallunaatullu allaqqasunik amigaateqartoqarpa?

83. Teknikkikkut iluaqutit aserfallatsaaliineqanngitsut atuuppat, pisiniarfiup ilitsersuina malillugu?

## SULLIVIMMI ASSARTUINEQ ANGALLANNERLU

84. Sakkut, atortussat igitassat allallu angallaffiusussami sumi tamaaniippat, sulisut orluniassammata?

85. Sulliviit angallaffiillu toriippat imaluunniit qaamanikipallaarpat?

86. Natit allequttallu soorlu imerpalasumik kuisoqarsimanagera peqputigalugu quasarpap?

 

87. Sullivimmi pissutsinik equngasoqarpa soorlu sulisut innarluttumik tutisoorsinnaanissaminnut aarlerinaateqartunik, soorlu natermi atortut imaluunniit alleqtat isingasuujuungitsut?

 

88. Sulliviup iluani sulisut kraninit, lastbiilinit imaluunniit truckinit aporneqarsinnaanerat kiggigunneqarsinnaanerallu aarlerinaateqarpa?

 

89. Sullivimmi angallaffiit nalunaarneqarsimanngitsut atuuppat?

 

### TIMIP ILUNGERSORTINNERA ALLALLU

90. Pisoqarsinnaava sulisut timaasa equngasumik qissallassinnaaneranik imaluunniit saqisinaaneranik aarlerinaateqartitsisunik?

 

91. Oqimaatsunik kivitsinermi (12 kg sinnerlugit), equngasumik kivitsinermi, noqitsinermi ajatsinermiluunniit kivitsissutinik amigaateqartoqarpa?

 

## MEEQQAT INUUSUTTULLU

### ILITSERSUINEQ NAKKUTILLINERLU

92. 18-it inorlugit ukiulinnik sulisoqarpa sukumiisumik ilitserneqaratillu ilinniarinneqarsimanngitsunik?

 

93. 18-it inorlugit ukiulinnik sulisoqarpa inummit 18-it qaangerlugit ukiulimmit nakkutigineqaratik sulisunik?

 

94. Suliffiup angajoqqaat oqaluttuutinngitsoorsimanerpai qitornaat 15-it inorlugit ukiulik sulisoralugu, imaluunniit meeqqat atuarfianni atuartuunissamik pisussaaffilik qitornaat sulisoralugu?

 

### UKIUNUT PIUMASAQAATIT

95. Sullivimmi meeqqat 13-it inorlugit ukiullit sulisorineqarpap?

 

96. Inuusuttuaqqat meeqqat atuarfianni atuartuunissamik pisussaaffillit sulianik oqinnerusunit allaanerusunik suliaqarpap?

 

### MASKIINAT

97. Inuusuttunik 15-it inorlugit ukiulinnik maskiinanik suliaqartoqarpa imaluunniit ulorianartumik qanittuaniittunik?

 

98. Inuusuttunik 18-it inorlugit ukiulinnik maskiinanik ulorianartunik suliaqartoqarpa?



**KEMII****Aap Namik**

99. Inuusuttunik 18-it inorlugit ukiulinnik kemikalianik ulorianartunik suliaqartoqarpa imaluunniit ulorianartumik qanittuaniittunik?

 **ERGONOMII**

100. Inuusuttunik 18-it inorlugit ukiulinnik ullormut arlaleriarluni 12 kg sinnerlugit oqimaassusilinnik kivitsisoqartarpa?

 **PIFFISSAQ SULIFFIUSOQ ALLALLU**

101. Inuusuttunik 18-init inorlugit ukiulinnik nal. 20-p aamma 06-ip akornanni sulisoqarpa?

 

102. 13-14-inik ukiulinnik imaluunniit inuusuttunik meeqqat atuarfianni atuartussaanermik pisussaaffeqartunik sulisoqarpa ulluni atuarfiusuni nal.ak. marluk sinnerlugit imaluunniit sap.ak. atuarfiusuni nal.ak. 12-t sinnerlugit sulisartunik?

 

103. 13-14-inik ukiulinnik imaluunniit inuusuttunik meeqqat atuarfianni atuartussaanermik pisussaaffeqartunik sulisoqarpa ullup unnuap ingerlanerani ataannartumik nal.ak. 14-it qasuersaarfeqanngitsunik?

 

104. 15-17-inik ukiulinnik meeqqat atuarfianni atuartussaanermik pisussaaffeqanngitsunik sulisoqarpa ullup unnuallu ingerlanerani ataannartumik nal.ak. 12-t qasuersaarfeqanngitsunik?

 

105. Inuusuttunik 18-it inorlugit ukiulinnik sulisoqarpa ullut unnuallu arfineq-marluk iluanni ulluni unnuanilu marlunni ataannartuni freerfeqanngitsunik?

 

106. Inuusuttunik 18-it inorlugit ukiulinnik nal.ak. 4½ sulisartunik minnerpaamik minutsinik 30-inik unillatsiartanngitsunik sulisoqarpa?

# APV-misissuinermit allattuiffik – Iliussissatut pilersaarut

Ajornartorsiummut imaluunniit ajornartussiutinut peqqutaasut	Aaqqiissutissaq	Akisussaasoq	Piffissaliussaqaq Tulleriaarineaq

Iliussissatut pilersaarut qanoq misissuataarneqassanersoq, iliuussissatut pilersaarut siunertaq naapertorlugun sunniuteqarsimanersoq, iluarsisassartaqarnesorluunniit pillugu, suliffeqarfiup isummerfigisassaraa. Sullivimmi avatangisunik nalilersuineq sivirusnerpaamik ukiut pingasut qaangiutsinnagit misissoqqinneqartassaaq, imaluunniit sulianik, suleriaatsunik imaluunniit sulianik ingerlatitseriaatsunik, sulinerup nalaani isumannaallisaanermut peqqinnissamullu tunngatillugu sunniutilinnik allannguisoqarsimatillugu nalilersuisoqaqqittassaaq.

Misissuisoq:

---

<i>Sulisitsisoq</i>	<i>Ulloq</i>	<i>Suleqataasoq</i>	<i>Ulloq</i>
---------------------	--------------	---------------------	--------------

Sullivinnik Nakkutilliisoqarfiup nittartagaani At-Ilitsersuut GL.4.1. atuarneqarsinnaavoq, tassani APV pillugu piomasqaatit inatsisillu paasissutissiissutigineqarput.